

INUIT ATAQATIGIIT

INATSISARTUNI



20. januar 2014

Inatsisartut Suleriaasianni § 37 naapertorlugu Naalakkersuisunut imaattunik apeqquteqar-punga.

(Inatsisartuni ilaasortaq Sara Olsvig, Inuit Ataqatigiit)

Apeqqutit:

1) Naalakkersuisunut ilaasortanut immikkut siunnersortinik atorfinitsitsisarneq aamma aningaasarsiaqartitsisarneq pillugu kaajallaasitamut atatillugu kattuffiit kikkut Naalakkersuisut isumaqatiginninniaqatigivaat?

2) Akissaateqarfik immikkut siunnersortit akissarsisinneqartarneranni immikkut siunnersortit pillugit kaajallaasitaq naapertorlugu atuuttussatut Naalakkersuisunit nulunaarutigineqarnikuusoq qanoq kikkullu isumaqatiginninniaqataaffigivaat?

3) Immikkut siunnersortinut kaajallaasitaq naapertorlugu atorfinitsinneqartut atugaannut attuumassuteqartuni kikkut isumaqatiginninniarnissamut piginnaaniligaappat?

4) Immikkut siunnersortinut kaajallaasitaq malillugu Naalakkersuisut immikkut siunnersortissaminnik toqqaaginnarsinnaatitaagunik, taamaasillutillu inuit nalusamik imaluunniit imminerminnut innersuunneqarsimanngitsut qinnuteqaa-taannik misissuinissaminnut Naalakkersuisut periarfissinneqanngikkunnik taava qanoq ilillutik Naalakkersuisut qulakkeersinnaavaat atorfinitsinneqartussat tassaassasut inuit piukkunnaateqarnerpaat?

Tungavilersuut:

“Naalakkersuisunut ilaasortanut immikkut siunnersortinik atorfinitsitsisarneq aamma aningaasarsiaqartitsisarneq pillugu kaajallaasitaq” Naalakkersuisut saqqummiunnikuuaat.

Kattuffiit susassaqtut isumaqatiginninniarfigineqarnerisigut kaajallaasitaq taanna suliarineqarsimanersoq erseqqissumik nassuiaatigineqanngilaq, taamatuttaaq erseqqissumik nassuiaatigineqanngilaq akissaateqarfik immikkut siunnersortinut Naalakkersuisut atuutilersitaat qanoq ililluni pinngorsimanersoq. Malunnarpoq suliami matumani kattuffiit sunneeriarfissaarullugit avataaniitinneqarpassisut, tassami allatigut tamanit isumaqataaffigineqartumik taakkartorneqartaraluarpoq pisariaqartoq kattuffiit pisinnaatitaaffiisa, ilagalugu isumaqatiginninniarnissamut pisinnaatitaaffiisa, illersugaanissaat. Suliami matumani isumaqatiginninniarnissamut Naalakkersuisut tamakkiisumik imminut piginnaanilersimassappata taava kattuffinnik tamanna erseqqissumik qaangiinnaaneruvoq.